



S. IOSEPHO, IESV NVTRITIO, MARIÆ SPONSO,

Patrono suo Amantissimo Authoris Votum.

ALTER es à Maria, Altoris omnium
Dei, nutritie incomparabilis, Matris
Virginis marite virgo, Ioseph feli-
cissime conjugum. Alterum proinde
me tibi decuit, hoc Theologiæ meæ vo-
lumen dicare, perenne pignus ac perpetuum vene-
tationis erga te meæ monumentum. Diuinum sequor
exemplum Æterni Patris, qui suam in verbo Theo-
logiam, virgineis cusam membranis, ex Parthenica
Typographia, cum publicam facere voluit, ex tua
domo & familia prodire iussit. Hanc videlicet, prius
educasti sedulus, quam in lucem educeres; Hanc ha-
buisti familiarem in manibus, & fasciis toties, ceu
Bibliothecam Abbreviati verbi compingeres, inuol-
uisti; Ejus in studio, labores, vitam, adeoque animam
posuisti; idem Theandricæ hujus Theologiæ Magi-
ster & Discipulus, Spectator & Auditor, Doctor

Tom. II.

ā 2 tametsi